

游戈虛良

號八十四百一第 四拜禮 號八十月一十歷西 日四念月十酉丁 文五錢取張每售發 里福惠路馬四海上在報本

本館特開藝文社告白

就再行登報特此佈達閱者鑒焉

本報已於蘇州常州無錫

羊製各種半夏

白雲詞人翰墨

至館面議請人暫留三兩月卽有浙游諸君如願結翰墨緣者幸勿交臂失之
天下馳名百花祠中外老藥局秘製種子秘寶兒科喉科外科各種妙葯包醫毒門
畢耐伯開理兒科痧症推拿急驚風包醫外科瘡疽男女毒門太乙神針法灸專治風癱瘓兼救時疫寒痧邀診兩元
畢門加倍兒科減半施診給藥局設四馬路胡家宅寶和里首

金小寶傳

延陵淡如子來稿

雲吳會曩夏伊母挈居滬上一時青衫名士白袷才人爭相聞慕門外車馬常滿焉淡如子知詞
史有年矣今春因事來滬相晤於綺席間一見啞然似曾相識詞史絕無世俗見不以潦倒之蛙
長其隳毛頗具賞識風塵以外之致淡如子於詞史生平最稔其豔采流霞豐姿比月舞衫歌扇
各盡其妙人皆知之無勞贅贊詞史於清游之暇好弄筆硯以素練畫蘭凡含露舒葩臨風布紫
各態仿摹盡致固不愧巾幗中之吳道子而尤豪爽慷慨見不平事則作申申之詈有女俠風噫
蒼梧鸞鳳鳩鵲惡其高空谷蘭茝薺蔬妬其臭此讒謗沸騰所由來乎然古柏不懼霜凌勁養無
虞風疾積潦既退則貞珉見斯又淡如子相觀而知私衷所深幸者耳締交既久往往傾談促膝
鐘漏數下更闌燈盡時究未嘗留髡而送客惟於松陰翳曉野色蒼莽之際轉鱗一車馳驚於綠
楊隄上殘星瑩然聽宵虫哀奏別有賞心處不意萍踪易散絮夢空留自遠縱跡以來又數閱月
矣假他日者重臨申浦再續前遊雖爲之執鞭所忻慕焉

天樂窩顧曲

○前晚天雨無聊游戲主人偕二友知已至天樂窩聽書時已演唱將半座客滿樓幾無隙地各校書紛紛來集衣香鬢影左右撩人絲竹爭鳴簫聲雅奏或崑曲或西皮或二黃或梆子腔或小調無不各擅勝長誠一時之妙選也其中琵琶好手應推小如意其聲錚錚然如金鐵之鳴惟信手彈來撥指多而輪指少係彈月琴之法非琵琶正派然以之合西皮二簧非用月琴彈法不足以增響此可見小如意之精於琵琶善為變通者也至其歌聲之激揚清越有耳共賞無容縷叙陳翠娥於弋腔崑曲小調各臻其妙所唱思凡一折抑揚宛轉大是可人惜唱至將畢適與姊妹行眉語誤落脫曲中噯呀由他一句崑曲自有一定句法交書其過也最奇者賀媛媛眉史年僅七八齡着紅繡花短襖頭整之態可謂一絕也

黃浦灘乘涼 ○日前天氣燥暖絕似殘春初夏之交無不咤咤稱異有吳某身體肥胖至盆堂洗浴既罷猶覺汗流浹背熱不可耐乃行至黃浦灘乘涼清風徐徐而來意甚適也適其友人某送客上輪船行至灘邊與吳相遇問吳來此何事答曰來乘涼也某與客俱大笑曰奇聞奇聞豈有十月時節而至黃浦灘乘涼之理不幾如蘇州人所云熱昏哉熱昏哉哉

浙水三難

○某司馬者海甯產也其先本閩閩名門至司馬而家道中落司馬有長兄二人一官一幕酒地花天頗稱自得又有一弟亦以縣令需次某省揮霍尤豪司馬嘗甚求援手於兩兄而兩兄不顧也而反加以頃軋之詞弟性本犖待司馬尚有一手足之情近亦惑於兩兄之浸潤不肯解囊居於官腔待司馬矣兩兄一弟可稱三難噫田氏分荆曹家煮豉殷鑒不遠司馬當努力自強格恭為弟慈愛為兄以待時命可耳為之兄為之弟者識者蓋當冷之矣

豫章雙秀 ○萃秀里陳翠娥校書暨公陽里陸筱梅錄事皆江右產也姿容並秀各擅勝場翠娥大小詞曲以及弋調秦聲無所不能而又無不絕工人亦天然姣好柔媚可親筱梅端莊流麗爽氣迎人至酬應之工尚有十年前名校書意味噫天下之大何地無才花好月圓正不必拘拘乎求諸金粉六朝姑蘇臺畔也

官場笑話

○自捐例開凡目不識丁者皆納粟朝廷捐得一官半職居然夜郎自大濫廁官塔矣昨聞有一書狀新捐七品藍翎初到省翎頂輝煌乘轎先謁撫憲時方黎明關人猶未起竟昂然入司道官廳踞然上座正值暑天脫帽解帶持羽扇揮之俄見紅頂花翎者亦入此廳則某道憲也而書狀並不立起招呼某道猶以其京官未諳外任體例故並不介意亦脫帽同放架上須臾號房進內索書狀名東忽見其履歷訝曰汝佐雜班何得來此忽聞敲聲聲傳撫憲出見書狀慌急自知慢事即搶架上大帽戴之而遁道憲取帽則僅有一金頂藍翎者而自已職銜之帽已不翼而飛禿頭徘徊撫憲已至某道惶恐萬分手足無措撫憲詢悉情由笑不可仰安慰某道而去某書狀經此一嚇氣稍減名心亦淡遂隱處田園不敢作彈冠之想矣

吃食奇聞

○客言某甲者不知其姓字專吃白食凡遇親串有事招之往不招亦往至則掀唇大嚼必至杯盤狼籍而後已主人厭之奴僕輩亦無不恨之也一日有某乙戲之曰我頃在四海春番菜館買得洋點一匣在此要吃否甲聞之已覺涎流口外乙取出一枚謂甲曰我將此一枚放在爾之身上不用手取爾如能吃得明日當罰洋點十匣甲以為食物放在身上豈有吃不着之理答曰姑試之乙乃以洋點一枚放在甲之左手臂彎上一手拉其手一手撐其臂甲右手不准動欲以口探則相離太遠無法可想竟未吃成焉按此名爲仙人吃食亦戲法中之一也

和尚休妻

○滬北某佛店中和樣素與某氏婦參歡喜禪嗣因一禿如掃帚往來究屬不便遂將八千根煩惱絲養漲居然有辮子矣無如該僧貪欲無厭得寵望蜀又與某姪妓結不解緣所積造孽錢漸漸用罄婦知之暗通馬夫視禿驢如眼中釘立逼該僧寫休書不願作野鴛鴦矣否則定將該僧往時劣跡和盤托出該僧亦不願以一頂綠頭巾壓倒丈二金剛遂聽其妻隨人而去

大姐過鬼

○有大姐名阿寶者向在棋盤街么二妓女張文卿處為傭芳年二九巧笑工釐素有驕俏之目前晚跟妓出局至泥城外黃家庫某公館宿酒迨至同時已居一點餘鐘天雨夜深難覓車輛以致步行落後途經跑馬場相近與妓與相離已遠忽見有一美少年迎面而至陡覺毛骨俱悚少年走近身畔把手一招一陣陰風站立不住頓即昏暈倒地龜奴等只顧前行竟爾無人知覺直至黎明始有賣菜傭在此經過見其袒胸露乳倒仆道旁泥淖中初尚疑是女劉伶一異知被鬼迷當往近村呼集多人並用薑湯灌救逾時始甦備述夜來情狀嗣由村人代雇東洋車送之回院噫滬北狂且每見大姐娘姨輒敢多方調戲不謂風流鬼物竟亦見色垂涎豈輕薄子之化身耶